

祝福恋爱长久的诗句

1.
薄幸郎君何日到，想自当初，莫要相逢好。——施耐庵《蝶恋花·一别家山音信杳》

2.
枕前发尽千般愿，要休且待青山烂。水面上秤锤浮，直待黄河彻底枯。白日参辰现，北斗回南面。休即未能休，且待三更见日头。——《敦煌曲子词·菩萨蛮》

3.
人道海水深，不抵相思半。海水尚有涯，相思渺无畔。——李冶《相思怨》

4.
风花日将老，佳期犹渺渺。不结同心人，空结同心草。——薛涛《春望词》

5.
出其东门，有女如云。虽则如云，匪我思存。缟衣綦巾，聊乐我员。出其闾闾，有女如荼。虽则如荼，匪我思且。缟衣茹蘂，聊可与娱。——《诗经·郑风·出其东门》

6.
风帘燕舞莺啼柳，妆台约鬓低纤手。钗重髻盘珊，一枝红牡丹。门前行乐客，白马嘶春色。故故坠金鞭，回头应眼穿。——牛峤《菩萨蛮·风帘燕舞莺啼柳》

7.

伤高怀远几时穷？无物似情浓。离愁正引千丝乱，更东陌、飞絮蒙蒙。嘶骑渐遥，征尘不断，何处认郎踪！双鸳池沼水溶溶，南北小桡通。梯横画阁黄昏后，又还是、斜月帘栊。沉恨细思，不如桃杏，犹解嫁东风。——张先《一丛花令·伤高怀远几时穷》

8.
还怕两人俱薄命，再缘慳、剩月零风里。——纳兰性德《金缕曲·亡妇忌日有感》

9.
春日游，杏花吹满头。陌上谁家年少足风流？妾拟将身嫁与一生休。纵被无情弃，不能羞。——韦庄《思帝乡·春日游》

10.
往事思量一晌空，飞絮无情，依旧烟笼。——夏完淳《一剪梅·咏柳》

11.
君生我未生，我生君已老；君恨我生迟，我恨君生早。君生我未生，我生君已老；恨不生同时，日日与君好。——《诗经》

12.
看朱成碧思纷纷，憔悴支离为忆君。不信比来长下泪，开箱验取石榴裙。——武则天《如意娘》

13.
还作一段相思，冷波叶舞愁红，送人双桨。——吴文英《解蹀躞·醉云又兼醒雨》

14.
恼烟撩露，留我须臾住。携手藕花湖上路，一霎黄梅细雨。娇痴不怕人猜，随群暂遣愁怀。最是分携时候，归来懒傍妆台。——朱淑真《清平乐·夏日游湖》

15.

四月十七，正是去年今日，别君时。忍泪佯低面，含羞半敛眉。不知魂已断，空有梦相随。除却天边月，没人知。——韦庄《女冠子·四月十七》

16.
赌书消得泼茶香，当时只道是寻常。——纳兰性德《浣溪沙·谁念西风独自凉》

17.
土花曾染湘娥黛，铅泪难消。清韵谁敲，不是犀椎是凤翘。只应长伴端溪紫，割取秋潮。鹦鹉偷教，方响前头见玉萧。——纳兰性德《采桑子·土花曾染湘娥黛》

18.
朝云乱人目，帝女湘川宿。折菡巫山下，采苕洞庭腹。故以轻薄好，千里命舫舳。何事非相思，江上葳蕤竹。——吴均《登二妃庙》

19.
舞低杨柳楼心月，歌尽桃花扇底风。——晏几道《鹧鸪天·彩袖殷勤捧玉钟》

20.
东门之墠，茹蘩在阪。其室则迩，其人甚远。东门之栗，有践家室。岂不尔思？子不我即！——《诗经·郑风·东门之墠》

21.
海上生明月，天涯共此时。情人怨遥夜，竟夕起相思。——张九龄《望月怀远》

22.
自从别后减容光，半是思郎半恨郎。欲识旧来云髻样，为奴开取缕金箱。——太原妓《寄欧阳詹》

23.

遥夜亭皋闲信步。才过清明，渐觉伤春暮。数点雨声风约住。朦胧淡月云来去。桃杏依稀香暗渡。谁在秋千，笑里轻轻语。一寸相思千万绪。人间没个安排处。——李煜《蝶恋花·春暮》

24.

涉江采芙蓉，兰泽多芳草。采之欲遗谁，所思在远道。——《古诗十九首·涉江采芙蓉》

25.

一个是阆苑仙葩，一个是美玉无瑕。若说没奇缘，今生偏又遇着他；若说有奇缘，如何心事终虚话？——曹雪芹《枉凝眉》

26.

世间花叶不相伦，花入金盆叶作尘。唯有绿荷红菡萏，卷舒开合任天真。此花此叶常相映，翠减红衰愁杀人。——李商隐《赠荷花》

27.

人生若只如初见，何事秋风悲画扇。等闲变却故人心，却道故人心易变。骊山语罢清宵半，泪雨霖铃终不怨。何如薄幸锦衣郎，比翼连枝当日愿。——纳兰性德《木兰花》

28.

忆你当初，惜我不去。伤我如今，留你不住。——许左之《失调名·忆你当初》

29.

年年陌上生秋草，日日楼中到夕阳。——晏几道《鹧鸪天·醉拍春衫惜旧香》

30.

河汉清且浅，相去复几许！盈盈一水间，脉脉不得语。——《古诗十九首》

31.

菡萏香连十顷陂，小姑贪戏采莲迟。晚来弄水船头湿，更脱红裙裹鸭儿。船动湖光滟滟秋，贪看年少信船流。无端隔水抛莲子，遥被人知半日羞。——皇甫松《采莲子二首》

32.

惜多才，怜薄命，无计可留汝。揉碎花笺，忍写断肠句。道旁杨柳依依，千丝万缕，抵不住、一分愁绪。如何诉。便教缘尽今生，此身已轻许。捉月盟言，不是梦中语。后回君若重来，不相忘处，把杯酒、浇奴坟土。——《祝英台近·惜多才》

33.

轻飞乱舞，点画青林，全无才思。——章榘《水龙吟·燕忙莺懒芳残》

34.

叹画图难仿，橘村砧思，笠蓑有约，莼洲渔屋。——吴文英《一寸金·秋感》

35.

击鼓其镗，踊跃用兵。土国城漕，我独南行。从孙子仲，平陈与宋。不我以归，忧心有忡。爰居爰处？爰丧其马？于以求之？于林之下。死生契阔，与子成说。执子之手，与子偕老。于嗟阔兮，不我活兮。于嗟洵兮，不我信兮。——《诗经·邶风·击鼓》

36.

山桃红花满上头，蜀江春水拍山流。花红易衰似郎意，水流无限似侬愁。——刘禹锡《竹枝词》

37.

忍把千金酬一笑？毕竟相思，不似相逢好。——邵瑞彭《蝶恋花·十二楼前生碧草》

38.

揽草结同心，将以遗知音。春愁正断绝，春鸟复哀吟。——薛涛《春望词》

39.

藕丝作线难胜针，蕊粉染黄那得深。玉白兰芳不相顾，青楼一笑轻千金。
莫言自古皆如此，健剑荆钟铅绕指。三秋庭绿尽迎霜，惟有荷花守红死。
庐江小吏朱斑轮，柳缕吐芽香玉春。两股金钗已相许，不令独作空成尘。
悠悠楚水流如马，恨紫愁红满平野。野土千年怨不平，至今烧作鸳鸯瓦。
——温庭筠《懊恼曲》

40.

西施越溪女，出自苕萝山。秀色掩今古，荷花羞玉颜。浣纱弄碧水，自
与清波闲。皓齿信难开，沉吟碧云间。勾践徵绝艳，扬蛾入吴关。提携
馆娃宫，杳渺讵可攀。一破夫差国，千秋竟不还。——李白《西施/咏苕
萝山》

本文链接：<https://duanjuziku.com/duanjuzi/5zgo8ezbdh.html>